



Inuit Ataqatigiit Inatsisartuni

Nuuk, den 22.10.07

Inatsisartut suleriaasianni § 36 imm. 1 naapertorlugu Naalakkersuisunut apeqqut imaattoq matumuuna saqqummiuppara:

- 1. Issittumi ilisimatuussitsikkut paasisat pillugit tusaatip ”Inussuk” –p siunissami saqqummersittarnissaani kalaallisuunngortinneqartarnissaanut Naalakkersuisut qanoq pilersaarpat?**
- 2. Inuit tamat oqartussaaqataanerannut ajornartorsiutitut isigaara nunatsinni innuttaasunit aalajangiisartunillu qallunaatut atuarneq ajortunit inuiaqatigiit pillugit paasissutissat pingaarutillit ilisimatuussutsikkullu sulinerit aqutugalugit ilisimalikkat atorluarneqarsinnaanngimmata. Naalakkersuisut qanoq isumaqarpat?**
- 3. Oqaatsit pillugit politikki ersarissaq Naalakkersuisut pilersitassaat qaqugu piariissava qaqugulu Inatsisartunut saqqummiunneqassava? (naalakkersuisooqatigiinnermi isumaqatigiissut naapertorlugu).**

(Inatsisartunut ilaasortaq Asii Chemnitz Narup)

Tunngavilersuutit:

Nalunaarusiat amerlasuut soqutiginarutullu Inussuk-kut saqqummersinneqartarput. Assersuutigalugu rapport nr 1 – 2007 ”Sundhed på Toppen” - atuartut 6. klassemitt qummut peqqissusaat peqqissuuniarlutillu pissusilersuutaat. Ilisimatuussitsikkut paasisat naalakkersuinikkut sulinermit aalajangernissamullu tunngavissaqqissuupput. Paasissutissalli tamakku nunatsinni qinikkanut tamanut atorluarneqarsinnaannginnerat tamat oqartussaaqataanerannut ajornartorsiutaavoq.